



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs VII. Vtrum videntes Deum per essentiam ipsum comprehendant.
artic. 7.

[urn:nbn:de:hbz:466:1-73915](#)

DISPUTATIO V.

Vtrum visiones beatifica hominum, & Angelorum sint eiusdem speciei.

*Pars negans
sudetur
primo.*

Partem negantem amplectitur Maior in 4. d. 49. quæst. 1. probarique potest primo, quoniam actus emanantes à potentius specie distinctis, sunt inter se specie distincti: sed intellectus Angelicus, & humanus distinguuntur inter se specie: ergo visiones beatificæ, qua ab eis emanantur, specie inter se distinguuntur.

Secundus.

Secondò, visiones beatorum non sunt de eodem obiecto adæquato: quippe cùm quidam beati vident aliquid in Verbo, quod non videtur ab aliis, sed cognitione, quæ non sunt de eodem obiecto, distinguuntur inter se specie: ergo visiones beatificæ non sunt omnes eiusdem speciei.

Tertius.

Tertiò, vnum beatus est essentialiter beatorum alio, vt Theologus omnes concedunt: ergo beatitudo vnum est essentialiter perfectior beatitudine alterius, & consequenter est ab illa specie distincta.

*Visiones beatificæ hominum
& angelorum
sunt eiusdem
speciei.*

Contrarium sententiam, visiones nimurum beatificas hominum & Angelorum esse eiusdem speciei, sequuntur Durandus in 3. d. 14. q. 1. Marfilius in eodem 3. q. 10. art. 2. & Sotus in 4. d. 89. q. 1. art. 2. quæ probabilior est. Primo, quoniam sicut gratia & caritas, quæ est radix & principium meriti, & cui respondet præmium, est eiusdem speciei in Angelis & hominibus: ita etiam præmium ipsum esse debet eiusdem rationis & speciei. Secundò, quoniam visiones hominum & Angelorum sunt de eodem obiecto, & præcipua earum causa, quæ proportionata sunt obiecto, nempe essentia diuina concurrens instar speciei intelligibilis, & lumen gloriae, sunt eiusdem rationis in homine & Angelo, vt ex se est satis manifestum, & de lumine gloriae affirmat D. Thomas de veritate q. 9. art. 1. ad 17. ergo licet intellectus, qui est minus præcipua causa, sit alterius rationis in homine & Angelo, visiones erunt eiusdem speciei: maximè cùm sint effectus supernaturales, qui ex causis supernaturalibus præcipue pensandi sunt.

Obiectio.

Obiciens, visio beatifica Angeli essentialiter continetur sub intellectione Angeli, & visio beatifica hominis sub intellectione hominis: sed intellectio hominis & Angeli specie, aut genere subalterno distinguuntur: si ergo visio beatifica hominis, & Angeli sunt eiusdem speciei infima: sit, vt vna species ratione quorundam individuorum continetur sub uno genere, & ratione aliorum sub alio, ac proinde, vt vna species infima ponatur sub duobus generibus non subalternatim positis quod alia ac alia sua individua, quod est absurdum.

Reffutatio.

Respondendum est, intellectionem creatam in communi in hæc duo membra proximè dividendam esse, videlicet in eam intellectionem, quæ quo ad substantiam actus elicit potest viribus intellectus creari, & in eam quæ neque quo ad substantiam elicit potest viribus intellectus creari, vt est sola visio beatifica. Quæ diuisio non est vniuersali, sed cuiusdam analogi in analogata. Intellectionio namque, quæ neque quo ad substantiam actus elicit potest viribus naturalibus intellectus, non est vniuersali intellectio cum ceteris intellectibus, vt pote extra totum genus intellectuum, quæ intellectui propriæ sunt, omnino existens. Quare ad argumentum negandum est, visionem beatificam Angeli, aut hominis essentialiter contineri sub intellectione in communione Angeli aut hominis tamquam sub aliquo vniuersali.

Artic. vij.

A co. Vnde non sequitur, vnam speciem infinitam quoad alia ac alia individua contineri sub diversis generibus non subalternatim positis: sub nullo enim eorum continetur, vt illa genera sunt: sed est species ab illis contradicuta. Quo loco obserua, esto diceres visiones beatificas hominum, & Angelorum species inter se distingui, cùm negandum non esset illas omnes conuenire in aliquo genere vniuersali, quod esset visio beatifica in communi, non effugeremus vna argumentum: illud enim genus, quo ad aliam ac aliam partem sibi subiectam, collocaretur similiter sub duabus generibus non subalternatim positis, nempe sub intellectione hominis, & sub intellectione Angeli in communi.

Ad primum in contrarium. **D**icendum est, maiorem solum esse veram, quando actu ita sunt propriæ potentiarum, vt viribus naturalibus ipsarum emanare ab eis possint, saltem quo ad substantiam actus: quando enim adeo sunt supra facultatem ipsarum, vt neque quoad substantiam actus ab eis possint emanare, cùm exiguum admidum causalium circa eos habeant, aliæque sunt præcipua causa eorum, concursus tam exiguis potentiarum naturalium species distinctarum, non est satis ut actus sint species distincti.

Ad secundum dicendum est, omnes esse de eodem obiecto primario, nempe de essentia diuina, in qua tamen (vt vidimus) quidam vident plures res creatas, quam alij, quæ pertinent ad obiectum secundarium: distinctione autem specifica notitiarum ex obiecto primario attendenda est.

Ad tertium dicendum. Theologos concedere inter beatos alium alio esse essentialiter beatorem, quia beatitudo essentialis, hoc est, beatitudo animæ, est maior in vno quam in alio: non vero quod in vno sit essentialiter perfectior, quam in alio, & consequenter sit distincta specie.

ARTICVLVS VII.

*Vtrum videntes Deum per essentiam ipsum
comprehendant.*

PRAETERMISSIS aliis acceptiōibus comprehensionis, quas Gabriel. 1. distinc. 3. quæst. 7. & in 3. dist. 1. 4. quæst. 1. artic. 3. duobus 2. cum suo Ochamo distinguit, quæsita Sotus in 4. dist. 49. q. 3. art. 1. & super proemium Physicorum merito recitat & impugnat, vt pote pro libito potius, quam iuxta nominis significacionem traditas, Comprehensio; vt hoc loco in responsione ad pri-
Eum notat D. Thomas, duobus modis accipitur. Vno, vt opponitur infractione: etenim apprehensio, tenet, atque confutatio eius, quod insequebamur, comprehensionis dicitur. Hoc modo beatitudo videntes diuinae essentiae Deum comprehendere dicuntur, iuxta illud ad Phil. 3. Sequor autem, si quo modo comprehendebam. Et Iad Cor. 9. Sic currite, vt comprehendatis. Per visionem namque tenent atque assequuntur id, in quod per spem & desiderium, dum in via erant, tendebant. Comprehensio hoc modo sumpta est vna è tribus dotibus animæ, vt 1. 2. q. 4. art. 3. explicatum est. Quo loco animaduerterendum est, non quamcumque visionem diuinæ essentiae dici comprehensionem in hac acceptio, sed solam eam visionem, quæ est per modum habitus & cum securitate, quod numquam amitteret: hæc namque est quæ vacuat spem, per quam in Deum tendimus. Atque de hac intelligendus est Paulus

*Comprehen-
sio quo-
plex.*

ad

ad Romanos 8. dum ait: Quod videt quis, quid spernit? se felicit visurum & per visionem confequatum. Quare Paulus, dum iuxta Augustinum & D. Thomam, in transitu vidit diuinam essentiam, non sibi simpliciter comprehensor, sed viator.

Altero modo accipitur comprehensio pro inclusione. Quoniam vero qui rem perfectè cognoscit, hoc est, quantum ex se est nota cognoscit, eam quasi complecti & includere cognitione videtur: per metaphoram, qui rem cognoscit, quantum de se est apta cognoscit, dicitur eam comprehendere: qui vero inferiori aliquo genere cognitionis eam cognoscit, non dicitur illam comprehendere. Vnde Augustinus in Cuiitate Dei 18. ait: Quidquid scientia comprehendetur scientis cognitione finitur. Quod non est intelligendum positiu, ut ipsemet Augustinus eo in loco satis explicat, & Durandus in 3. q. 14. q. 1. atque Scotus ibidem ad secundum adnotarunt, quia necesse sit, ut cognoscens perueniat ad finem rei cognoscendæ: sic enim Deus non dicetur comprehendere seipsum, cum fine & termino entitatis ac perfectionis careat, ed quod sit infinitus: sed intelligendum est negatiu, ita ut entitas & perfectio obiecti non excedat cognitionem, sed tantum cognoscatur, quantum de se potest cognoscit: quo pacto Augustinus ibidem ait, Deum comprehendere seipsum, aigue infinite sua cognitionis quodam modo exhaustire infinitatem sua entitatis & perfectionis. Comprehendere ergo in hac significacione est cognoscere rem, quantum illa de se valet cognosci, ut hoc loco definit D. Thomas. Quare quid, quod sciri potest, cognoscere sola opinione, non dicetur illud comprehendere: quippe cum non penetraret extremæ, ita ut cognoscere necessitatè connexionis vnius cum altero, quia habent suapte natura. Qui etiam id quod sciri potest ex causa, sciret solum ab effectu, non dicetur illud comprehendere: eò quod non cognoscere causam necessariae connexionis, quam extrema habent ex natura rei. Quare neuter cognoscere rem obiectam quantum de se cognosci valer, neque ea cognitione, qua suapte natura est apta cognosci: & idem eam non comprehendenter.

In hac ergo posteriori significatione comprehendens excitatur hoc loco quæstio proposita, cui D. Thomas responder huiusmodi concluione. Nullus intellectus creatus potest comprehendere diuinam essentiam. Hac est de fide, probaturque ex illo Ieremias 32. Fortissime, magne, potens, Dominus exercituum nomen ubi, magnus consilu, & incomprehensibilis cognitus. Iob. 11. Forsan vestigia Dei comprehendens, & utque ad perfectum omnipotentem repertus: quia dicit, nequaquam: ideoque adiungit, Excelsior calo est, &c. Licet autem verba sint, non Iob, sed Saphar Naamathitis, verba tamen amicorum Iob, in quibus errare non reprehenduntur, non modicam habent auctoritatem. Saltem ad confirmandum tamquam Agiographa, quod aliunde probatur esse aperte de fide. Ad Romanos 11. Quoniam incomprehensibilia sunt industria eius. Accedit definitio Ecclesiæ, tum alibi, tum in Concilio Lateranensi 2. cap. firmior, de summa Trinitate & fide Catholica. Vnus est verus Deus, aeternus, immensus, incommutabilis, incomprehensibilis, &c. Hac autem omnia testimonia intelligenda sunt comparatione intellectus creati. Deus namque suo intellectu se ipsum comprehendit, ut de se est noscimus, & Augustinus affirmit 12. de ciuitate Dei, cap. 8. Quanta enim est entitas & perfectio Dei, tanta est in eo vis ad se ipsum cognoscendum, ac proinde tuncum se ipsum cognoscit, quantum valet cognosci. Probat Diuus Thomas conclusio-

Molina in D. Thom.

A nem proposam, quoniam, cum Deus sit infinita entitatis & perfectionis essentialis, aptus est suapte natura infinitè cognoscere sed nullus intellectus creatus potest eum infinitè cognoscere, ed quod pro quantitate luminis gloria intellectus creatus cognoscit plus, aut minus Deum, nullaque ratione esse possit infinitum lumen gloria, quod tamen est necesse, vt intellectus creatus Deum infinitè cognoscere: ergo nullus intellectus creatus potest Deum comprehendere, etiam de potentia Dei absoluta.

Circa respondionem ad secundum & ad tertium argumentum D. Thomas notandum est, quamvis nihil eorum, quae sunt formaliter in Deo, lateat beatos videntes diuinam essentiam: nihil tamen eorum ita intelligi ab eis, ut penetretur omnino, hoc est, quantum in se potest intelligi. Quare licet beatus quodvis Dei attributum totum videat, eò quod unumquodque sit res indubibilis, cuius non est videre aliquid, quin tota illa videatur: licet etiam beatus videat modum cuiusque attributi, nepe esse infinitum, non tamen videt illud omnino, id est, quantum suapte natura videri potest: quia ut D. Thomas optimè ait, modus obiecti non est modus cognoscendi, id est notitia, qua cognoscens cognoscit tam obiectum, quam modum obiecti: non est, qualem ex se videntur modus obiecti, eò quod cum modus obiecti sit infinitus, ut videat notitiam infinitam, qua entitas infinita obiecti continens eminenter totam latitudinem entis, quod creari potest, infinitè cognoscatur & penetretur. Vider ergo beatus quodvis attributum, atque vider illud esse infinitum: non tamen vider illud infinitum, ita ut penetretur infinitatem & virtutem ipsius, atque adeo cum nulluna cognoscatur, quantum de se valet cognosci, nullum poterit comprehendere.

ARTICVLVS VIII.

Vtrum videntes Deum per essentiam omnia in eo videant.

DISPUTATIO I.

PRIMA conclusio huius articuli est. Nullus intellectus creatus videntis Deum potest cognoscere in eo omnia, tam quia facit quoniam quae potest facere. Probatur, Creatura, qui videntur in Deo, videntur in eo, ut effectus in sua causa, sed nullus intellectus creatus potest videre in Deo omnes effectus, qui sunt in illo tamquam in causa: ergo nullus intellectus creatus videntis Deum potest cognoscere in eo omnia tam quae facit, quoniam quae potest facere. Maiorem probat, quia ea, quae in Deo videntur, ita videntur, ut sunt in illo: creaturæ autem sunt in Deo, ut effectus sunt virtute in sua causa: ergo videntur in eo, ut effectus in sua causa. Minorem vero probat, quia ille solus intellectus potest in causa cognoscere omnes effectus, qui causam comprehendit: quod enim causa perfectius videtur, eò plures effectus in ea videri possunt: ut in eo licet cernere, qui perspicacior est intellectus: is enim, quia melius penetrat principia sibi propria, quoniam penetret ea is, qui hebetioris est intellectus, ex uno principio sibi proprie pluriū conclusionum cognitionem accipit: ad cognoscendum ergo in causa omnes eius effectus, & omnes rationes effectuum, requiritur causa comprehendens: cum ergo nullus intellectus creatus possit Deum comprehendere, ut articulo precedente ostensum est: sit, ut nullus intellectus

*Beatos nibil erit lat-
ter, que sunt
formaliter in
Deo: nihil tam eorum
comprehen-
dunt.*

*Prima co-
clusio.
Beatorum
nullus potest
in Deo co-
gnoscere om-
nia inuen-
tum, etiam
qua potest
facere.*